

Fada théid teisd an oinigh
[RIA 3 (23/L/17), 21b]
[Deibhidhe, Dán Díreach]

- 1 Fada théid teisd an oinigh
dá mbeith gan é d'f[h]iafroighidh
d'íúil sean as deimhin an dáil
fear an einigh ar iomrádh.
- 2 Cuid do bhuaidh fhir an oinigh
bíth gach aon ar fhiafroighidh
techt a-stegh go bfhoghair air
d'f[h]ior an oinigh ní heagail.
- 3 D'f[h]ior an oinigh ní huamhain
cuid eile dá iolbhuadhaibh
gidh bé a ndéntar dá dhochar
ní féadtar é d'f[h]olmhochadh.
- 4 Do dhruim oinigh is anma
a n-oghrecht a athardha
deimhin as-tegh go ttiocha
fear einigh is oirbhiora.
- 5 Bárr sochair é don oinech [22a]
gnáth ar fhud chríoch ccomhoidhech
le luagh a dhaghanma ag dul
rolabhra suadh is seanchudh.
- 6 Seannós aco riamh roimhe
sa chrích-si fhóid lughoine
's é ar fheadh gach oirir muṛ soin
fear an oinigh ar iarroigh.
- 7 Ní fhuil mo thriall tairis sin
mac Finghin Duibh dreach shoilbhir
bos tren tar a doiligh dul
prémh an oinigh ar adhnudh.
- 8 Cómhluath chuige ceim dhá rath
an file an fáidh 's a cerrbhach
gach taobh ag triall ar oineach
muṛ aon 's a chliar chómhoidheach.
- 9 Tig an Laighnech leath ar leath
tig an Mídhech 's a[n] Muímhnech
a ndáil ní damhna tuirse
fa gháir anma an Eoghuin-se.
- 10 Cómhluath ó chenn gach críche
lucht sgaoilte sgéal ccoigcríche
gá bríogh a mhéd do mhedhair
ag ríomh a ghéig ngeinealaigh.
- 11 Nír chlos aoinfher aco soin
ag breith oirbhíre Eoghoin
nír chlaon don chédrath do char
aon da éagnach ní faghthar.
- 12 Meise féin muṛ gach fer dhíobh

- ní cuaird iona cóir dimbríogh
mo thol go hiomshlán ní fhuil
go dul fá iomrádh Eóghuin.
- 13 Ní chuala Gaidheal ná Gall
maith iomchras an chuing chothram
fós do bhuaibh bhéime ara bhladh
buaidh a fhéile ní hiongnadh.
- 14 Saoilim nách fuil diomdhach dhe
acht námha nó fer feirge
gnúis fhaoilligh gan cháil a ccrodh
báidh gach aoinfhir re hEóghon.
- 15 Do chennuig fós beg dá rath
ainm síor nach éidir d'ionnlach
díol clú d'eighrecht is d'anáir
cnú do sheinshliocht Sullamháin.
- 16 Ní théid caitheamh na cclú soin
an sliocht airmech-so Eochoidh
ag caoir bhuaidh na taoirbhert ttrom
fuair an oighrecht a haltrom.
- 17 A ndimbríogh ní dual a dul
an teisd ordhuirc-so ar Eoghun
an fhéile is d'eighrecht a shean
deighshliocht na fréimhe ó bhfuil-sean.
- 18 Sé idir uaislibh fhuinn Ghaidheal
do-ní an t-ainm-si d'iomsgaoiledh
recht fíre na bprémh ó bhfuil
séan an díne dán dúthuigh.
- 19 Einech gnáth 7 gníomh nár
cennsacht úmhlacht is anár
druid ré hoirbhert is ciall chinn
tug oighrecht don fhial fhoirtill.
- 20 Iomdha céim 'na ttigh as-tegh [22b]
más f[h]ior d'fhuighlibh na bhfiledh
fer an oirbherta ós cionn cháigh
a ccenn oighrechta d'f[h]agháil.
- 21 Gach barr innmhe dá bhfuair soin
maith is fiú a chiall 's a chéadfoidh
ní nár mur chaithes a chródh
cóir a mhaites do mhórodh.
- 22 Ní le trén táinigh a nert
grás Dé re ndola a n-oighrecht
fuair a thoil do dhruim dhocra
ní chuing soin nách somholta.
- 23 Nách benaid na rainn-si ribh
ní mheasaim a mheic Finghin
réim gan fhoirnernt gan fholuigh
as toirbhert féin fuarobhuir.
- 24 Mac Finghin Duibh dhá rádh ruibh
a-tá ní hinnmhe a n-asguidh

- mó do gheall an ghairm eile
is ferr h'ainm iona h'áirighe.
- 25 An bárr ar fhír fhéile fuair
Eochuidh ó chách a cceduair
cóimhliontar [an?] chlú do chuir
le crú oirbhiortuigh Eochuidh.
- 26 Ón lá-soin gus an lá a-niogh
gidh bé iona chenn do cuiriodh
ní dheachuidh céim ar ccúla
ó fhréimh Eachuidh aonshúla.
- 27 A mhaoidhemh ní misde dhamh
as í an teisd so a-tá ar Eoghan
tug mé ar céilidhe 'na chenn
an ré shéimhidhe shaoirsheang.
- 28 Ós tú as teinne a-tá ar h'oighre
a Ógh dán clú ar ccomhoir-ne [leg. ccabh-?]
déna ar ndíon ar ghoin an gha
díol iona fhuil nach iarrfa. Fada...
- 29 A dermad ní dleaghar dhamh
inghen Domhnuill drech iodhan
an orchnú rugus mur roinn
fa mhórchlú thugus tarroing.
- 30 Cuirfead fós ní claon an chuing
ar n-aithne ar inghein Domhnuill
ar an mnaoi-sin a-táim trén
ní budh dáil fhaoisimh dh'Oiléin.
- 31 Ó Oiléin ní anfa me
ó fuaras fios a méinne
gnúis ronáir do thuir ar ttoil
duinn ní foláir a feachoin.